



Drin bb, 71270 Fojnica - Telefon: +38730547200 - Fax: +38730831829 - Email: info@drin.ba - Web: www.drin.ba
Račun broj: 338-900-22083023-98 kod Unicredit Bank - Račun broj: 199-047-00043924-02 kod Sparkasse Bank
Račun broj: 161-070-00066400-14 kod Raiffeisen Bank - Reg. broj upisa: 51-05-0034-09 - ID broj: 4236181330005

Broj: 01-49- 5610 /26
Fojnica, 15.09.2026. godine

Mahalla.ba
Artinfo Kiseljak
Novum.ba
Fojnica.net

Predmet: SAOPĆENJE ZA JAVNOST / DEMANTI

Potaknuti tekstovima objavljenim na portalu Mahalla.ba u kojem se iznose grube i pravno neutemeljene optužbe o navodnoj "diskriminaciji" prilikom oglašavanja potrebe za zapošljavanjem 10 radnika, Ustanova za socijalno zbrinjavanje i zdravstvenu njegu Drin upućuje zvanično saopćenje za javnost s ciljem istinitog informisanja javnosti i zaštite ugleda Ustanove Drin, njenih radnika i korisnika.

Menadžment Ustanove, na čelu s direktorom, najoštrije osuđuje i demantuje navode da je Ustanova raspisala diskriminatorni oglas. Autor spornog teksta je, usljed potpunog nepoznavanja pravnih propisa i procedura, svjesno ili iz krajnjeg neprofesionalizma, zamijenio teze. Sporni podatak o dobnoj granici do 40 godina ne nalazi se u tekstu oglasa Ustanove, već je riječ o standardnom obrascu Zavoda za zapošljavanje o prijavi potrebe za radnicima, koji je ustanova kao poslodavac zakonski dužna popuniti i dostaviti nadležnoj službi.

Navođenje okvira i specifikacija u spomenutom obrascu Zavoda predstavlja redovnu administrativnu i statističku proceduru (koja se često vezuje i za programe sufinansiranja zapošljavanja određenih kategorija stanovništva), a ne eliminatorni uslov javnog oglasa ustanove.

Javni oglas Ustanove za socijalno zbrinjavanje i zdravstvenu njegu Drin provodi se potpuno transparentno, zakonito i pod jednakim uslovima za sve kandidate koji ispunjavaju propisane uslove za radna mjesta, definisana Zakonom o radu i Pravilnikom o radu Ustanove.

Nažalost, portal Mahalla.ba je ovaj administrativni dokument, zajedno s internim aktima Ustanove koje tumači na vlastiti, pravno na neuki način, iskoristio za kreiranje lažne afere.

Tendenciozno izvrtanje činjenica jasno ukazuje da motiv javnog istupanja ovog portala nije zaštita javnog interesa niti profesionalno novinarstvo, već namjerna diskvalifikacija direktora i destabilizacija rada jedne uspješne Ustanove iz političkih i drugih partikularnih interesa.

Upozoravamo javnost da ovakvi neprofesionalni napadi nanose izravnu štetu ugledu Ustanove Drin, narušavaju radnu atmosferu među zaposlenicima i uznemiruju naše korisnike o čijoj dobrobiti svakodnevno brinemo.

Ustanova Drin posluje potpuno transparentno i podložna je kontroli isključivo nadležnih državnih organa i inspekcija, a ne samoprozvanih i politički motiviranih internet portala. Pozivamo uredništvo da ubuduće postupi u skladu s profesionalnim novinarskim kodeksom i provjeri činjenice prije objave. Dalji pokušaj uplitanja u rad Ustanove kroz plasiranje dezinformacija nećemo tolerisati.

Ukoliko portal nastavi s iznošenjem kleveta i tendencioznim kreiranjem afera, Ustanova će zaštitu svojih prava, radnika i korisnika potražiti isključivo putem pravosudnih institucija, zahtijevajući maksimalnu zakonsku odgovornost i naknadu za svu narušenu reputaciju.

Fojnica, 15.09.2026.god.

Dostaviti:

- Naslovu,
- a/a.




Direktor
Halilović dr. Ismar